

Mid-Day Dogri News Bulletin, 30th March 2025

समे – 12:25

<><><><><>

PM-MKB

प्रधानमंत्री नरेन्द्र मोदी होरें अज्ज मन की बात कार्यक्रम राए देश विदेश च रौहने आहले लोकें कन्ने अपने विचार सांझा कीते। हर म्हीनें रेडियो पर प्रसारित होने आहले इस कार्यक्रम दी एह 120 मी किशत ही। अपने अज्ज आहले अपने कार्यक्रम च मोदी होरें सार देशवासिएं गी बदाई दिती। उनें आक्खेआ जे बेशक एह ध्यार मुख्य दे बक्ख बक्ख हिस्से च मनाए जा'रदेन पर इन्दे राएं मुल्खै च दी विविधतादा पता लगदा ऐ। उनें क्खेआ ज अज्जआहला मन की बात कार्यक्रम बडे गै शुभ मौक पर होआ'रदा ऐ अज्जे थ्वा चैत्र नराते शुरु होआ'रदे न। मुल्खै दे बक्ख बक्ख हिस्से च ध्यारें दी जबरदस्त धूम दिखने गी लब्बोग। इसी लेइयै भी उत्साह दा माहौल ऐ ते ईद दा ध्यार ते आवा'रदा गै ऐ। प्रधानमंत्री होरें आक्खेआ जे गर्मिएं दे दिन बड्डे हुन्दे न ते इनें दिनें च बच्चे मता किश करी सकदे न। इसदे तैहत उनें बक्ख बक्ख पैहलुएं पर गल्ल कीती। उनें आक्खेआ जे नमा किश सखने आस्तै अज्ज केंई सारे मंच उपलब्ध न। अपने अज्ज आहल मन की बात कार्यक्रम च प्रधानमंत्री होरें माई भारत दे अस खास कैलेंडर गी बी गल्ल कीती जिसी गर्मिएं लेई कास तौर पर बनाया गे ऐ। उनें आक्खेआ जे इस स्टडी टैबल राए तुस जानी सकदे ओ जे साहड जन औषधि केन्द्र कियां कम्म करदे न। तुस वाईवरेंट विलेज दा हिस्सा बनिए बन्ने आहले ग्राएं दा अनुभव हासिल करी सकदे ओ। एदे न्ने कन्नी तुस उत्थे सांस्कृतिक ते खेड गतिविधिएं च बी हिस्सा लेई सकदे ओ। अज्ज आहले अपने कार्यक्रम च क बारी परतिए प्रधानमंत्री होरें बरखा दे पानी गी बचाने दी गल्ल कीती। उनें आक्खेआ जे पिच्छले किस बरें च इस भेठा मुख्य भरै च बडा मता कम्म होआ ऐ। उनें आक्खेआ जे पिच्छले 7-8 बरें च बने दे चैंक, तला ते होर दुईएं थाहरें राएं 11 विलियन क्यूविक मीटर थ्वा मते पाने दा संरक्षण होआ ऐ। उनें अज्ज हाल च गै सम्पन्न होए दे पैरा खेलो इन्डिया गैम दी बी गल्ल कीती। उनें आक्खेआ जे इनें खेडे राएं इक बारी परतिए खडारिएं अपनी लगन ते मेहनत कन्ने सब्बनें गी अचंभित करी दिता। इस बारी पैहले थ्वा मते खडारिएं एदे च हिस्सा लैता। उनें इनें खेडे च हिस्सा लैने आहले सारे खडारिएं गी बदाई दिती। उनें दिली च आयोजित फिट इन्डिया कारनिवल दी बी गल्ल कीती। इक इनोवेटिव आडिया राएं फिट इन्डिया कारनिवल दा सरिस्ता कीता गेआ इसदे च बक्ख बक्ख क्षेत्रें दे करीबन 25 हजार लोकें हिस्सा लैता। टैक्सटाईल वैस्ट दी बी प्रधानमंत्री होरें अज्ज

गल्ल कीती। उनें आक्खेआ जे भारत दुनिया दा एया त्रिया मुख्य ऐ जित्थे सब्बनें थ्वा मता टैक्सटाईल वैस्ट निकलदा ऐ। उनें आक्खेआ जे उनें गी इस गल्ला दी खुशी ऐ ज इस पेठा केई सारे जतन मुख्य भरै च कीते जा र दे न। उनें आक्खेआ जे इन्दे राएं सजावट, हैंडबैग ते खडोने जियां केई सारियां चीजां बनाईयां जाई सकदियां न। केई सारियां संस्था हैन जेडिया इस पेठा कम्म करा र दियां न। उनें आक्खेआ जे हरियाणा दा पानीपत टैक्सटाईल रिसाईकलिंग दे केन्द्र दे र पर उभरा र दा ऐ। बेंगलुरु बी अपने नमिएं काहडे ते होरने दुए हीलें राएं अपनी बक्खरी पन्छान बना र दा ऐ। योग दिवस दी गल्ल करदे होई प्रधानमंत्री होरें आक्खेआ जे योग दिवस मनाने लेई हुन 100 थ्वा बी घट्ट दिन रेई गोदे न। उनें आक्खेआ जे लोकें गी अपने जीवन च योग गी पक्क गै शामिल कीता जाना चाईदा। 21 जून 2015 बरे च पैहला अन्तराष्ट्रीय योग दिवस मनाया गेआ हा। उनें आक्खेआ जे मनुक्खता गी भरात आस्सेआ दिता गोदा एह अनमल उपहार ऐ जेडा भविक्ख दिएं पीढिएं लेई बडा मता कम्म औने आहला ऐ। अज्ज साहडे योग ते रिवायती दोआईएं प्रति लोकें च जिज्ञासा बदी ऐ। जिया दक्खण अमरीका दा इक मल्ल ऐ चिली उत्थे बी आयूर्वेद लोकप्रिय होआ र दा ऐ। अपने अज्ज आले कार्यक्रम उनें होर बी केई सारे विषयें पर गल्ल कीती।



Navratri

मुख्य भरै दे मंदरें च बड्डलै—सवेले दी 9वें दिनें तगर चलने आहले चैत्र नरातें दे उत्सव दा अज्जै थमां शुरू होई गोई। एह त्यौहार देवी दुर्गा ते उं'दे 9 स्वरूपें दी पूजा गी समर्पित ऐ। मुखे दे बाकी हिस्सें आला लेखा समूलचे जम्मू प्रांतै च बी नराते दी रौनक, श्रद्धा ते उत्साह चबक्खियां दिक्खने गी लब्धे करदा ऐ। सब्बने मंदरें टकोहदा करियै मां दुर्गा दे मंदरै च बड्डलै थमां गै श्रद्धालुएं दी बड़ी मती भीड़ ऐ। रियासी जिले च दुनिया भरै च मशहूर श्री माता वैष्णो देवी जी दे दरबार दे इलावा जम्मू च बावे आली माता, नगरोटे कौल कंडोली माता, कटुआ सुकराला माता, माता बाला सुंदरी, सांबा च चीची माता मंदर ते होर केई देवी द्वारे च अज्ज श्रद्धालु मत्था टेकने लेई आवा करदे न।



Navratri Greetins

उपराज्यपाल मनोज सिन्हा होरें चैत्र नराते दे मौके पर लोकें गी शुभाकामनां दित्तियां न। अपने सनेए च उपराज्यपाल होरें चैत्र नराते दी मुबारकबाद दित्ती। उनें कश्मीरी पंडित समुदाय दे लोकें गी नवरे दियां बी शुभकामनां दित्तियां। उपराज्यपाल होरें आक्खेआ जे एह पवित्र ध्यार बुराई पर अच्छाई ते अज्ञानता पर ज्ञान दी जित्त दा प्रतीक ऐ। उनें मेद जाहर

कीती जे नराते दा ध्यार असें सब्बने गी सेई रस्ते पर टुरने लेइ प्रेरित करोग। उनें मां दुर्गा प्रार्थना कीती जे ओह सब्बने पर अपनी कृपा बनाई रखन।

<><><><><><>

Rana PHE

जलशक्ति मंत्री जावेद अहमद राणा होरें औंदे सोहे दरान पानी दी सप्लाई बिजन कुसै दिक्कत परेशानी दे बरोबर बनाई रखने लेई पैहले थमां लोड़चदे हीलें ते बंदोबस्त करी रखने पर जोर दित्ता ऐ। कल जम्मू च मैहकमा पीएचई दे चीफ इंजीनियर विकास शर्मा ते सरबंधत होरने अधिकारिएं कन्नै लग्गी दी इक बैठक दरान गर्मिएं च पानी दे त्रोड़े शा बचने दे उपाएं दे बारे च तफसीली सोच बचार कीता गेआ। मंत्री होरें पेश आई सकने आलिएं दिक्कतें दे बारे च चर्चा कीती ते इनेंगी दूर करने लेई लोड़चदे उवाह पैहले करी रखने बारे सुझाएं गी बी उजागर कीता। उनें आखेआ जे लोकें गी पीने लेई साफ सुरक्षत पानी हर सूरतै च उपलब्ध कराया जाना लोड़चदा ते सोए दरान इस बारे कोई दिक्कत शकैत सामने नेई औनी लोड़चदी।

<><><><><><>

DEO

जम्मू दे डिप्टी कमीशनर सचिन कुमार वैश्य जेहड़े जे जिला चुनां अफसर बी ऐन, होरें कल बक्ख-बक्ख सियासी पार्टिएं दे प्रतिनिधिएं कन्नै इक बैठक लाइयै भारतीय चुनां आयोग दे निर्देशें मूजब उंदे कन्नै चुनां प्रक्रिया गी होर मता निग्गर ते बवस्थित बनाने लेई कनूनी ढांचे दे महत्व ते पैहलुएं पर चर्चा कीती। एडीसी राकेश कुमार ते उपजिला चुनां अफसर रामेश्वर कुमार बी इस बैठका च मजूद हे। बैठक दरान सियासी पार्टिएं दे नुमायंदे केई खदशें ते सोआल पुच्छे जिंदा बैठक दरान नबेड़ा बी कीता गेआ।

<><><><><><>

Kishtwar Beautify

सैलसफा गी बढ़ावा देने ते कस्बे दी सुदरता गी होर सनाकड़ा बनाने लेई कल किश्तवाड़ दे डिप्टी कमीशनर राजेश कुमार शवन होरें किश्तवाड़ दे एतिहासक किला टॉप उप्पर इक सैल्फी पोआइंट दा उदघाटन कीता। किला टॉप किश्तवाड़ दे दक्खन-पच्छम च स्थापत इक ऐतिहासक थाहर ऐ। इस पहाड़ी उप्पर इक किला हा, जेहड़ा किश्तवाड़ दे राजे दे समें दा बने दा हा। # किश्तवाड़ पैहलकदमी दे हिस्से देतौरा पर इस परियोजना गी नगर निगम आस्सेआ 4 लक्ख रपे दी जागत कन्नै अमल च आन्नेआ गेआ ऐ। एहदा मकसद इस क्षेत्र दी

समृद्ध इतिहास गी संजोड़यै रखने ते सैलानिएं गी आकर्षित करना ऐ। डीसी होरें हिडियाल चौक ते शहीदी चौक च लग्गे दे फव्वारे दा बी अनावरण कीता जेह्दे कन्नै कस्बे दी सुदरता च होर बी इजाफा होआ।

<><><><><><>

Sericulture Ramabn

रामबन जिले दा रेशम उत्पादन मैह्कमा रेशम दी राई—बाई गी बढ़ावा देने ते मकामी करसानें गी सशक्त बनाने आस्तै जागरूकता शिविरें दे राएं महत्वपूर्ण भूमका नभा करदा ऐ। समें—समें पर आयोजित इनें कैपें दा मकसद करसानें गी रेशम दे उन्नत किस्में दे कीड़े पालन तकनीकें दे सरकारी योजनाएं दे फायदे बारे च शिक्षित करना ऐ। रेशम दे कीड़े दी राई—बाई च अनुभव प्रदान करदे होई व्यावहारिक प्रदर्शन कीते जंदे न। करसानें गी शहतूत दे बूहटे, लाजमी उपकरण किट ते होर केई लाजमी जानकारी बी दित्ती जंदी ऐ। मैह्कमे दा मुख्य मकसद उच्च गुणवत्ता आले कोकून दे बधाना ते रेशम दे धागे दी आपूर्ति श्रृंखला गी मजबूत करना ऐ।

<><><><><><>